

DE FRACTURÂ CLAVICULÆ,
 T H E S E S
 ANATOMICO-CHIRURGICÆ,

*Quas, DEO JUVANTE, & Præsidi M. FRANCISCO-
 GUILLELMO LEVACHER, Artium & Chirurgiæ Ma-
 gistro, Academiæ Consiliario, nec non in Scholis Chi-
 rurgiæ Practicæ Professore, tueri conabitur ANTONIUS
 GASCQ, Agennonensis, in almâ Universitate Parisiensi
 Artium liberalium Magister.*

P A R I S I I S,
 IN REGIIS CHIRURGORUM SCHOLIS,
*Die Martis, trigesimâ Decembris à sesqui-secundâ post meridiem
 ad septimam. A. R. S. H. 1766.*

PRO ACTU PUBLICO
 ET
 MAGISTERII LAUREÂ.



Typis P. AL. LE PRIEUR, Regii Chirurg. Collegii
 Typographi.

M. D C C. L X V I.

Y



DE FRACTÂ CLAVICULÂ.
T H E S E S
 ANATOMICO-CHIRURGICÆ.



UAM in reponendis fractis ossibus, iisdem-
 que in apto situ retinendis difficultatem ple-
 rumque experiuntur Chirurgi, ea non semper
 ab ossium peculiari formâ, & magnitudine,
 musculorumve ambientium crassitie & actione
 oritur. Situs fractorum ossium deligationi
 minùs aptus impedimenta præbet quæ tollere vix potest inge-
 niosissima solertia. In exemplo sit Clavicula. Ubi à quâcumque
 vi externâ solvitur ossis illius continuïtas, actione partium qui-
 bus perpetuò rigiditate quâ donatur contra nititur, extreni-
 tates fragmentorum suprà se invicem ascendunt & non nisi
 summâ cum difficultate huic incommodo mederi potest Chi-
 rurgus. Is est noster hodiè præcipuus scopus ut media quæ
 suppetit irrequieta melioris indagatrix Chirurgia exponamus
 perpendamusque, præmissis obiter quibusdam Anatomicis
 partis hujusce notionibus.

CLAVICULA est os oblongum duplicem curvaturam Litteræ *f* exhibens, in parte anteriori & superiori Thoracis situm. In quo videre est duas extremitates, duas facies, totidemque latera. Extremitatum una anterior vel interna, altera posterior vel externa: facies una superior, inferior altera: unum latus anterius aut externum, alterum posterius vel internum. Quæ imprimis Anatomicè consideranda veniunt in Claviculâ relativè ad scopum propositum, sunt structura ejus & musculi quorum insertioni dat locum. Pars Claviculæ firmior & durior est ipsius pars media; extremitates autem ferè admodum spongiosæ sunt: harum anterior majoris est voluminis posteriori. Utraque terminatur in superficiem lævigatam mobilitati necessariæ faventem. Ossaquibus annectitur Clavicula sunt *Sternum* anterius; posterius *Scapula*, mediante ipsius Apophysi, *acromii* dicta. Musculi Claviculæ inhærentes sunt *Sterno-mastoideus* & *Sterno-tiroideus* in extremitate anteriori, *Subclavicularis* in depressione oblongâ quæ se præbet in facie inferiori, magnus *Pectoralis* in dimidiâ parte anteriori ejus limbi externi, *Deltoides* in mediâ & posteriori parte ejusdem limbi, *Trapezius* per mediam & posteriorem partem limbi interni. Ligamentis præterea peculiari-bus extremitatem utramque involventibus in situ naturali retinetur. Usus Claviculæ ex consideratâ figurâ ejus & situ, musculisque quibus insertionem dat, faciliè erui potest.

LICET externorum corporum impulsui parùm obvia videatur Clavicula, sæpè sæpiùs tamen evenit ut lapsu ictive aliquo frangatur. Fractura autem illa fit vel in mediâ parte, vel in extremitatibus; in uno tantùm loco, vel in pluribus simul; læsis illæsiue partibus ambientibus; transversè vel obliquè; undè dicitur modò simplex, modò composita, modò complicata, transversa, vel obliqua.

SIGNIS plerùmque evidentibus dignoscitur Claviculæ fractura. Nisi enim æger pinguedine sit crassior, ipsismet oculis cernitur deformitas, vel digitis sentitur crepitatio: quin imò eminente osse quandòque perforatur cutis.

Hujusce morbi accidentia varia sunt pro variâ fracturæ causâ, partiumque simul læsarum naturâ. Si corporis colli-

3

dentis aut collisi magna fuerit vis aut resistentia, fieri potest ut pulmones & ipsi afficiantur; hinc respiratio difficilior, tussis frequens & gravis, sputationes sanguineæ, Emphysema in totâ vulneris peripheriâ, non raro longè ulterius extensum, &c. Si partes Claviculam regentes violentiâ ictûs aut lapsûs admodum contundantur atque conterantur, inde nascetur ingurgitatio, echymosis, inflammatio & omnes illius sequelæ, dolor, febris, suppuratio, &c. Si Clavicula denique in plura fragmenta dividatur, frustula illius extranea facta partes vicinas irritabunt, pungent, lacerabunt, & hæc alia erit inflammationis causa, suppurationis, abscessûs sive in textu cellulari infrâ cutim, sive etiam in pectore, undè gravissima nasci solent symptomata.

Quod attinet ad causas quibus frangi potest Clavicula, evidens est os adeò breve, adeò solidum frangi non posse nisi violentiâ non levi. Inter quas frequentior lapsus in caput humeri.

PROGNOSIS nihil ardui affert. Quidquid enim inest periculi in fracturâ Claviculæ non oritur ab ipsâmet fractâ Claviculâ, sed potius à vicinis partibus eâdem causâ graviter commotis, aut alio quolibet modo læsis.

INDICATIONES curativæ hujusce morbi eadem sunt ac cæterarum fracturarum. Partes scilicet in situm naturalem reponendæ retinendæque sunt. Repositio nihil difficultatis habet, & sponte quasi suâ fit, si humeri versûs posteriora, ut decet, attrahantur. Non eâdem verò facilitate partes in eo statu retinentur. Deligationi enim convolutæ quæ fit in membris, hic locus non est. Cui supplere conati sunt Chirurgi, fasciâ quatuor ulnas longâ, quam ita devolvunt ut utrumque humerum alternatim amplectantur, & omnes circumvolutiones sese decussent posterius intra duas scapulas. Undè à similitudine ista fasciatio *huit de Chiffre* nuncupata est. Verùm quantumvis stricta instituatur illa deligatio, brevi circumvolutiones omnes laxæ fiunt: humero perpetuò antèrius retracto, fragmenta Claviculæ non diù servant acceptum situm, hincque adeò frequens irregularis ossium glutinatio, deformisque callus. Quod incommodum ut vitaret D. Brasdor, specialem excogitavit thora-

cem manicatum, posterius scissum, lienteo satis firmo confectum, cujus ope humeri firmiter retinentur & perpetuò attrahuntur versùs posteriora: aded ut unico & eodem medio fiant extensiones & contra extensiones: quia nempè limbi thoracis posteriores plùs minùsve ad se invicem approximantur ad nutum Chirurgi operantis, auxilio funiculi aut ligularum quæ annulis correspondentibus infiguntur: hincque fragmenta Claviculæ in sedem naturalem reposita facile retinentur in eodem statu per totum curationis tempus.

Quòd si adsint complicationes quas superiùs exposuimus, in iis debellandis sese eodem modo gerere debet Chirurgus, quo se gereret in cæterarum partium fracturis.

FINIS.